

Era istòria de Molló Parc

Nòm:

Grop:

Molló Parc ei un parc d'animaus a on era animacion sorgís deth pròpi espaci a trauès dera sua fauna e a on eth visitant ei fòrça mès qu'un simple espectador.

Molló Parc ei un Parc Naturau plaçat en un bòsc deth Pirenèu, a on era animacion sorgís deth pròpri espaci. A mès, eth visitant non ei un espectador coma pòt èster en d'auti parcs senon qu'ei un actor deth recorрут en aire liure mentre passege peth bòsc e es prats plaçadi ena Val de Camprodon.

Aguest parc d'animaus ei un negòci familiau. Ei gestionat per quate membres d'ua madeisha familia e en estiu, per exigéncias de trabalh, s'incremente damb estudiants de practiques. Actuaument, an ua mejana de ueit trabalhadors. Abans de montar aguest parc d'animaus, se dedicauen ara ostalaria e ara jardineria. Era idea siguec deth propietari, Antoni Solé. Pensèc en crear un parc d'animaus damb er objectiu de mantier era finca en bones condicions, ja qu'es camps e bòsqui s'enlordien rapidament e costauet mantier-les com cau.


Eth parc aufrís ath public un recorрут damb eth quau se pòt gaudir dera natura d'ua durada minima d'entre dues e tres ores. Molló Parc tanben aufrís era possibilitat de passar tot eth dia, ja que dispòse de zònes de descans a on se pòden crompar minjars e begudes tà poder consumir-les enes zònes de pic-nic deth parc. Era caracteristica d'aguest parc ei qu'ei ua activitat ideau tà hèr damb era familia o damb gessudes escolares. Cada an, eth parc recep uns 40.000 visitants. Ath delà, eth projècte de Molló Parc cree sinèrgies principaument damb eth sector toristic dera comarca coma, per exemple, otèls, restaurants e cases rurals.

Era empresa ei associada damb diferentes entitats deth sector a trauès d'un convèni de collaboracion. Quauqu'ues son era Universitat Autònoma de Barcelona, era Associacion de Disminuïts de Catalunya (DINCAT) e eth Centre de formacion de tecnics de veterinària (IDEA).

Molló Parc permet caminar entre crabes sauvatges, dams e cabiròus; atau com observar ossi, lops, gatilops, marmòtes, entre d'auti. Veir com se neurissen, interactuen, se pòsen e cueden as sues cries ei ua des granes caracteristiques d'aguest parc que, pòc a pòc, a anat creishent e s'a hèt mès coneishut.

Er objectiu mès important des personnes que gestionen eth parc ei proporcionar as bèsties que i viuen es milhors condicions possibles de benestar. Es cuedadors e eth veterinari deth Parc susvelhen constantment era salut des bèsties, atau com es especialistes en benestar animau. Era alimentacion que se les proporcione ei en tot moment supervisada per ua expèrta en nutricion animau.

Era an 2014, era direccioń se plantegèc era idea d'ampliar era auferàt d'activitats deth Parc. Volien qu'es naues activitats siguessen aptes tà tot eth public e tà totes es edats. Jos aguesta idea, neishec MOLLÓ PARC AVENTURA. Er espaci compde damb un bòsc d'auets e compde damb ua installacion de cinquanta quate jòcs, entre eri, tirolines e pònts tibetans. En totau, i a quate circuits damb diferenti nivèus de dificultat en funcion dera nautada e era edat. Un d'aguesti ei pensat tà mainatges de dus a cinc ans.





Quan se pensèc en aguest nau modèl de negòci, se dèc fòrça importància ara seguretat d'aguesta installacion. Per açò, se pensèc en un modèl innovador que garantís era maxima seguretat en circuits d'aventura. Aguest sistèma ei pionèr en Catalonha e permet non auer de manipular cap d'element de seguretat pendent tot eth circuit, causa que hè qu'eth sòn usatge sigue mès segur e senzill, sustot tals mainatges mès petiti.

Se vòs saber mès informacion sus eth Molló Parc, consulta era plana web: <https://www.molloparc.com/>

VOCABULARI E EXPRESSIONS

Fauna: conjunt d'espècies animaus qu'abitén en ua region geografica, que son pròpies d'un periòde geologic o que se pòden trobar en un ecosistèma determinat.

Vall de Camprodon: contrada geografica e umana situada en tèrc nòrd-orientau deth Ripollès, centrat ena vila de Camprodon, qu'includís era nauta val deth Ter e eth sòn affluent, eth Ritort, damb es municipis de Sant Pau de Segúries, Molló, Setcases, Vilallonga de Ter e Llanars.

Dams: espècia de cèrvi natiu der airau mediterranèu.

Tirolines: poleja suspenuda per cables montadi en un declivi o inclinacion. Se dessenhen tà que sigue impulsat per gravetat e pogue liscar des dera part superiora enquiath hons mejançant un cable, usuaument cables d'acèr inoxidable.

Sinèrgies: accion de dues o mès causes que genèren un efècte superior ath qu'artenherie damb era soma d'efèctes individuaus.

① AUEM CURIOSITAT

1. Auies entenut a parlar jamès d'un parc d'animaus coma eth de Molló Parc? Ne coneishes bèth un?

.....

2. Cerca informacion sus es bèsties que i a en aguest parc e hè ua petita redaccion a on expliques quines d'agueses bèsties coneishies e quines te son desconeishudes.

.....

3. Quina competéncia cres que pòt auer eth parc?

Quini avantatges cres qu'a ena comarca que i age ua empresa coma era de Molló Parc?

.....

4. Pròva de trapar d'auti parcs d'animaus que i age en Catalonha e hè ua comparativa damb eth de Molló Parc.

.....